



Isaky ny vanin-taolana eo amin'ny olombelona dia misy fanomezana (sadaka) avokoa

Tatitra azo avy amin'i Abou Houraira (R.A), Niteny ny Mpaminany (S.A.W) manao hoe : "Isaky ny vanin-taolana eo amin'ny olombelona dia misy fanomezana (sadaka) avokoa, isaky ny mimosaka ny masoandro ka nanao fahamarinana eo anatrehan'ny olona roa dia fanomezana, ny fanampiana ny olona amin'ny biby fitaingenany ka mampiakatra na mitondra ny enta-mavesatrany dia fanomezana, ny teny mamy dia fanomezana, ary isaky ny famindra iray atao makany amin'ny moske dia fanomezana, ary fanalana zavamaranitra eny an-dàlana dia fanomezana".

[Mari-pototra] [Notantarain'i Bokhari sy Moslim]

Nanazava ny Mpaminany (S.A.W) fa ny mpino silamo tsirairay dia manana adidy isan'andro manao asa soa ho fanomezana an-tsitrabo amin'ny alalan'ny tsirairay amin'ireo vanin-taolany ho fankasitrahana an'Allah amin'ny fahasalamany, sy ny nanaovany vanin-taolana eo amin'ny taolany mba ahafahany milefitra sy miampatra. Ary io fanomezana (sadaka) io dia mitatra amin'ny asa soa rehetra fa tsy mitsahatra amin'ny fanolorana vola ihany, ka anisan'izany ny : Ny rariny ataona sy ny fampihavanana eo amin'olona roa mpifanditra dia fanomezana. Ary ny fanampiana ny olona malemy hitaingina ny bibiny na mampiakatra ny entany dia fanomezana izany. Ary ny teny mamy, toy ny fahatsiarovana an'Allah, ny fitalahoana, ny fiarahabana, sns... dia ny fanomezana. Ny dingana rehetra atao mankany amin'ny swalat dia fanomezana. Ary ny fanalana izay manimba na mandratra eny an-dàlana dia fanomezana.

<https://sunnah.global/hadeeth/mg/show/4568>

